

四庫全書

史部

欽定四庫全書

禮部志稿卷二十五

明 俞汝楫 編

祠祭司職掌

祭祀通例

國初以郊廟社稷先農俱為大祀後改先農及山川
帝王孔子旗纛為中祀諸神為小祀嘉靖中以朝日
夕月天神地祇為中祀凡郊廟社稷山川諸神皆天

子親祀國有大事則遣官祭告若先農旗纛五祀城
隍京倉馬祖先賢功臣太厲皆遣官致祭惟帝王陵
寢及孔子廟則傳制特遣各王國及有司俱有祀典
而王國祀典具在儀司洪武初天下郡縣皆祭三皇
後罷止今有司各立壇廟祭社稷風雲雷雨山川城
隍孔子旗纛及厲庶人祭里社鄉厲及祖父母父母
并得祀竈餘俱禁止

凡進祀冊

舊制欽天監每歲十一月上旬具明年各祭祀日期于奉天門奏進

嘉靖九年更定郊禮今以九月自大報之祀為始開列具奏十五年令以九月朔禮部尚書於奉天殿進呈欽定儀注每歲九月朔大宗伯以大報日期等日告于皇帝前期于本衙門宿鴻臚卿具請御殿及設案奉天殿中是日百官公服侍班皇帝服皮弁大宗伯具朝服自午門中道行捧祀日冊立置于案皇帝就案先立定

大宗伯跪奏曰嘉靖幾年分大報等祀日冊請敬之皇帝
帝稽圭取而恭視訖序班舉案置于華蓋殿中皇帝陞
座百官叩頭如常禮畢

凡祀郊社

洪武五年令皇太子留宮中居守親王戎服侍從皇太
子親王雖不陪祀一體齋戒九年議定郊社大禮雖
有三年之喪亦不敢廢

凡致齋

大祀三日中祀二日降香一日傳制遣官前一日沐浴更衣處于齋宮次日還宮

洪武三年定大祀百官先沐浴更衣本衙門宿歇次日聽誓戒畢致齋三日

今惟國丘誓戒

宗廟社稷亦致齋三日惟

不誓戒令禮部鑄銅人高一尺五寸手執牙簡如大祀則書致齋三日中祀則書致齋二日于簡上太常寺進置于齋所 五年令諸衙門各置齋戒牌刻文其上曰國有常憲神有鑒焉凡遇祭祀則設之

嘉靖三年令齋戒日文武百官隨品穿吉服并青綠錦
繡

凡服

大祀冕服中祀皮弁服陪祀諸臣各用本品梁冠祭服
凡牲四等

曰犢曰牛曰大牢曰少牢色尚騂或黝大祀入滌九旬
中祀三旬小祀一旬

洪武初定神牲所設官二人牧養神牲前三月付廩犧

令滌治如法 三年改立犧牲所設武職并軍人專管
牧養其牲房中三間以養郊祀牲左三間養宗廟牲右
三間養社稷牲餘屋養山川百神之牲 六年奏准郊
廟犧牲已在滌者或有傷則出之死則埋之其有疾者
亦養于別所待其肥腠以備小祀中祀之用若未及滌
或有傷疾者歸所司別用

景泰四年令禮部鑄造牲字牢字火焙各一會同太常
寺御史印記各處解到大祀牛羊

凡玉三等

曰蒼璧曰黃琮曰玉惟祀天地日月則用之

凡帛五等

曰郊祀制帛曰奉先制帛曰禮先制帛曰展親制帛曰報功制帛

洪武十一年議定在京大祀中祀用制帛在外王國及府州縣亦用帛小祀止用牲醴

凡樂四等

天地九奏神祇太歲八奏大明太社稷帝王七奏夜明
帝社稷宗廟先師六奏舞皆八佾有文有武先師舞六
佾用文

嘉靖九年定文武舞生冠履佾數俱如舊制但圜丘服
色用青紵絲方澤用黑綠紗朝日壇用赤羅夕月壇用
玉色羅

凡禮

洪武七年奏准先時太常寺奏中嚴奏外辦盥洗陞壇

飲福受胙各有贊詞又各壇俱設爵洗立滌爵拭爵初
陞壇再拜祭酒唱賜福胙之類俱以繁瀆刪去又令祭
祀皆免上香 八年定登壇脫烏禮今亦不行 九年
定大祀拜禮迎神四拜飲福受胙四拜送神四拜共十
二拜中祀飲福受胙止再拜

凡郊廟社稷祝版

嘉靖九年令議先期一日太常寺博士捧至文華殿候
上親填御名若冬至大祀則于奉天殿恭填

凡陪祀

大祀文官五品以上武官四品以上及六科都給事中
皆陪內有刑喪過犯體氣之人不預餘祭竝同惟都給
事中不預

嘉靖十五年令都給事中陪祀宗廟後又令一應祭祀
俱陪 十七年令皇親指揮以下千百戶等官凡郊廟
等祀俱陪

凡祀牌

洪武八年置陪祭官員牙牌供事官員人等長牙牌各
令縣帶無者不許入壇

郊祀

國初建圜丘於鍾山之陽以冬至祀天建方澤於鍾
山之陰以夏至祀地洪武二年始奉仁祖淳皇帝配
享十年春始定合祀之制即圜丘舊址為壇以屋覆
之名大祀殿歲以正月上辛日行禮時郊工未成暫
就奉天殿行十二年正月乃合祀於大祀殿仍奉仁

祖配享命官分獻日月星辰嶽鎮海瀆山川諸神凡
一十四壇二十一年又增修壇壝於大殿丹墀內
東西相向為日月星辰四壇又於內壝之外為壇二
十亦東西相向為五嶽五鎮四海四瀆風雲雷雨山
川太歲天下神祇歷代帝王諸壇其日月星辰初有
朝日夕月禋星之祭至是俱罷歷代帝王及太歲風
雲雷雨嶽鎮海瀆山川月將城隍諸神初俱春秋二
祭至是亦停春祭惟每歲八月中旬擇日於山川壇

及帝王廟祭之三十二年郊祀更奉太祖高皇帝配
享永樂十八年北京天地壇成每歲仍合祀如儀南
京壇有事則遣官祭告洪熙元年奉太祖太宗同配
享嘉靖九年遵初制建圜丘於大祀殿之南每歲冬
至祀天以大明夜明星辰雲雨風雷從祀建方澤於
安定門外每歲夏至祭地以五嶽五鎮四海四瀆陵
寢諸山從祀俱止奉太祖一位配享而罷太宗之配
又建泰神殿於圜丘北正殿以藏上帝太祖之主配

殿以藏從位諸神之主上帝太祖主曰神版餘曰神
牌祭則禮部太常寺官請詣壇奉安建皇祇室於方
澤南以藏皇祇及從位主而太祖主則以祭之前一
日請諸太廟建朝日壇於朝陽門外以春分祭日無
從位建夕月壇於阜城門外以秋分祭月亦以星辰
從祭俱不奉配其大祀殿則以孟春上辛日行祈穀
祭奉太祖太宗同配享十年又改以啓蟄日行祈穀
禮於圜丘仍止奉太祖一位配享十一年建崇雩壇

於園丘壇外泰元門之東歲旱則祭上帝以禱雨以奉太祖配享十七年秋九月詔舉明堂大享禮於大內之玄極寶殿奉睿宗獻皇帝配享冬十一月更上昊天上帝泰號曰皇天上帝改泰神殿曰皇穹宇十八年春行祈穀禮於玄極寶殿不奉配二十四年即故大祀殿之址建大享殿而建皇乾殿於大享殿北以藏神版命禮部歲用季秋奏請擇吉行大享禮已又命暫行於玄極寶殿隆慶元年禮部會議園丘方

澤朝日夕月歲舉四郊仍如世宗所更定而罷祈穀
及明堂大享禮今並存其儀以備考云

合祀

洪武十年初定合祀儀一齋戒前期二日太常司官

今太

常寺宿於本司次日具本奏聞致齋三日次日進銅人傳

制諭文武官齋戒不飲酒不食葱韭薤蒜不問病不吊

喪不聽樂不理刑名不與妻妾同處一傳制

儀見儀當制司

日禮部官太常寺官於城隍廟發咨仍於各廟焚香三

日一告廟正祭前二日用祝文酒果奉先殿告仁祖配
上帝皇祇祝文曰維洪武十七年歲次甲子月日孝子
皇帝某敢昭告於皇考仁祖淳皇帝茲以正月某日恭
祀上帝皇祇於大祀殿謹請皇考配神伏惟鑒知謹告
一省牲用牛二十八羊三十三豕三十四鹿二兔十二
正祭前二日太常司官奏聞明日與光祿司官省牲次
日省牲畢一同復命就奏定分獻官二十四員一陳設
共二十七壇 正殿三壇上帝南向牖一登一實以大

羹煮肉汁不用鹽醬遵十二實以形鹽藁魚棗栗榛菱
芡鹿脯白餅白麵造黑餅蕎粉造糗餌米粉造粉糈糕
豆十二實以韭菹以韭切去本末取中四寸菁菹芹菹
筍菹醯醢豬肉鮓用鹽酒料物調和鹿醢兔醢魚醢脾
析用牛百葉切細湯熟用鹽酒造用豚胎豬肩上月飽
食用糯米飯羊脂蜜熬糝食用牛羊豕肉細切與粳米
飯同熬蘆簋各二實以黍稷稻粱玉用蒼璧一帛一蒼
色織成郊祀制帛四字皇祇南向犢一登一遵十二豆

十二簋簋各二玉用黃琮一帛一黃色郊祀制帛仁祖
配位在東西向牘一登一籩十二豆十二簋簋各二玉
用蒼璧一帛一蒼色郊祀制帛其設酒尊六爵九籩三
於東南西向祝文案一於殿西洪熙以後改奉太祖太
宗並祀正殿增一壇加牘一酒尊二爵三帛籩一丹
墀四壇大明在東西向牘一登一籩十無稊餌粉餐
下同豆十無飽食糝食下同簋簋各二帛一紅色禮神
制帛酒尊三爵三籩一夜明在西東向牘一登一籩

十豆十簋簋各二帛一白色禮神制帛酒尊三爵三籩
一星辰一壇在東西向犢一羊三豕三登一鉶二盛
和羹用肉鹽醬籩豆各十簋簋各二酒盞三十帛一白
色禮神制帛酒尊三爵三籩一星辰二壇在西東向
陳設同 東十壇 北嶽壇犢一羊一豕一登一鉶二
籩豆各十簋簋各二酒盞十帛一黑色禮神制帛酒尊
三爵三籩一永樂以後北嶽壇增附天壽山加酒盞十
帛一 北鎮壇陳設同 東嶽壇陳設同帛一青色禮

神制帛 東鎮壇東海壇陳設並同 太歲壇陳設同

帛一白色禮神制帛 帝王壇陳設同帛十六白色禮

神制帛酒盞三十 山川壇陳設同帛二白色禮神制

帛酒盞三十 神祇壇羊五豕五鉶三無大羹籩豆各

八簋簋各二酒盞三十帛一白色禮神制帛酒尊三爵

三篚一 四瀆壇陳設與北嶽同帛四黑色禮神制帛

酒盞三十 西十壇 北海壇陳設與北嶽同 西嶽

壇陳設同帛一白色禮神制帛下同 西鎮壇 西海

壇陳設並同 中嶽壇鍾山附陳設同帛二黃色禮神

制帛酒盞二十 中鎮壇陳設同帛一黃色禮神制帛

酒盞十 風雲雷雨壇陳設同帛四白色禮神制帛酒

盞三十 南嶽壇陳設同帛一紅色禮神制帛酒盞十

南鎮壇 南海壇陳設並同一正祭典儀唱樂舞生

就位執事官各司其事陪祀官分獻官各就位導引官

導引皇帝至御位內贊奏就位典儀唱燔柴

凡燔柴洪武六年今

先剗淨犢牛器盛置於燔壇之右駕自齋宮詣壇太和鐘鳴則壇內舉火候贊燔柴即以犢牛置其上燔之

瘞毛血迎神協律即舉麾奏樂樂止內贊奏四拜

百官同

典儀唱奠玉帛奏樂內贊奏陞壇至上帝前奏搢圭執事官以玉帛跪進於皇帝右奠訖奏出圭至皇祇前奏搢圭執事官以玉帛跪進於皇帝左奠訖奏出圭至仁祖前奏搢圭執事官以玉帛跪進於皇帝右奠訖奏出圭復位樂止典儀唱進俎奏樂齋郎舁饌至內贊奏陞壇至上帝前奏搢圭進俎出圭至皇祇前奏搢圭進俎出圭至仁祖前奏搢圭進俎出圭奏復位樂止典儀唱

行初獻禮奏樂內贊奏陞壇至上帝前奏搢圭執事官
以爵跪進於皇帝右奏獻爵出圭至皇祇前奏搢圭執
事官以爵跪進於皇帝左奏獻爵出圭詣讀祝位跪讀
祝樂止讀祝官取祝跪於神位右讀訖樂作奏俯伏興
平身百官同至仁祖前奏搢圭執事官以爵跪進於皇帝
右奏獻爵出圭復位樂止典儀唱行亞獻禮奏樂內贊
奏陞壇至上帝前奏搢圭執事官以爵跪進於皇帝右
奏獻爵出圭至皇祇前奏搢圭執事官以爵跪進於皇

帝左奏獻爵出圭至仁祖前奏搢圭獻爵出圭復位樂

止典儀唱行終獻禮奏樂

儀同
亞獻

樂止太常卿進立殿西

東向唱賜福胙內贊奏詣飲福位跪搢圭光祿司官以
福酒跪進奏飲福酒光祿司官以胙跪進奏受胙出圭

俯伏興平身復位奏四拜

百官
同

典儀唱徹饌奏樂執事

官各壇徹饌樂止典儀唱送神奏樂內贊奏四拜

百官
同

樂止典儀唱讀祝官捧祝進帛官捧帛掌祭官捧饌各
詣燎座位奏樂執事官各執祝帛饌出內贊奏禮畢一

分獻官儀注典儀唱行初獻禮贊引引分獻官詣神位
前搢笏執事官以帛進於分獻官贊引贊獻爵出笏贊
引引至酒尊南向立典儀唱行終獻禮儀同亞獻贊引引
分獻官復位徹饌執事官徹饌執帛饌詣燎所俱候典
儀唱行一祝文維洪武某年歲次某甲子正月某日嗣
天子臣某敢昭告於昊天上帝后土皇地祇時維孟春
三陽開泰敬率臣僚以玉帛犧齊粢盛庶品恭祀於大
祀殿備茲燎瘞皇考仁祖淳皇帝配神尚享一樂章

迎神樂奏中和之曲荷蒙天地兮君主華夷欽承踴躍
兮備筵而祭誠惶無已兮寸衷微仰瞻俯首兮惟願來
期想龍翔鳳舞兮慶雲飛必昭昭穆穆兮降壇壝 奠
玉帛樂奏肅和之曲天垂風露兮雨澤霑黃壤氤氲兮
氣化全民勤猷猷兮東帛鮮臣當設宴兮鳳來前 進
俎樂奏凝和之曲庖人兮列鼎肴羞兮以成方俎兮再
獻願享兮以享 初獻樂奏壽和之曲武功之舞聖靈
兮皇皇穆嚴兮金牀臣兮樂舞兮景張酒行初獻兮捧

觴 亞獻樂奏豫和之曲文德之舞載斟兮再將百辟
陪祀兮具張感聖情兮無已拜手稽首兮願享 終獻
樂奏凝和之曲文德之舞三獻兮樂舞揚肴羞具納兮
氣藹而芳祥光朗朗兮上下方況日吉兮時良 徹饌
樂奏雍和之曲粗陳菲薦兮神喜將感聖心兮何以忘
民福留兮佳氣昂臣拜手兮謝恩光 送神樂奏安和
之曲旌幢晔晔兮雲衢長龍車鳳輦兮駕飛揚遙瞻冉
冉兮上下方必烝民兮永康 望燎樂奏時和之曲進

羅列兮燎瘞方炬燭發兮煌煌神變化兮束帛將感至
思兮無量

分祀

嘉靖九年更定分祀儀是年既分建四郊遂號祖陵山
曰基運皇陵山曰翔聖孝陵鍾山曰神烈顯陵山曰純
德并天壽山俱從祀方澤居嶽鎮之次仍俱祀於地祇
壇十一年定朝日壇以甲丙戊庚壬間歲一親祭夕月
壇以丑辰未戌三歲一親祭非親祭之歲太常寺具奏

遣官行禮朝日以文大臣夕月以武大臣其圜丘諸儀亦多所更定如更上皇天上帝泰號及皇穹宇請神儀皆附列焉又定看牲分獻之制凡看牲舊以前月之朔大駕親往自後文武大臣日輪一員次早復命至是令冬夏至及祈穀俱正祭前五日親往自後遣大臣輪視如常凡分獻舊用文武大臣及近侍官二十四員今圜丘方澤各用四員分獻俱太常先期題請欽命而法司官例不遣又定大祀如遣官不行飲福禮太常具福胙

奏進其傳制後各廟焚香則嘉靖八年罷

圜丘

嘉靖十一年定一前期十日太常寺題請視牲次請命大臣三員看牲四員分獻一前期五日錦衣衛備隨朝駕上詣犧牲所視牲其前一日上常服告於廟內贊奏就位上就拜位內贊導上至太祖香案前奏上香上訖導至列聖香案前俱奏上香上訖奏復位奏跪奏讀告辭其辭曰孝玄孫嗣皇帝某明日恭詣南郊視大祀拴

犧謹詣祖宗列聖帝后神位前恭預告知讀訖奏四拜
奏禮畢及還詣廟叅拜如前儀致詞曰孝玄孫嗣皇帝
某恭視大祀牲犧禮畢恭詣祖宗列聖帝后神位前謹
用叅拜叅畢回宮是日命大臣輪視如常儀一前期四
日上御奉天殿太常寺奏祭祀進銅人如常儀本寺博
士捧告請太祖祝版於文華殿候上親填御名訖捧出
一前期三日上具祭服以脯醢酒果詣太廟請太祖配
帝是日上詣太廟寢請主至太廟安訖典儀唱執事官

各司其事內贊導上至拜位奏就位典儀唱迎神內贊
導上至香案前奏跪搢圭奏上香奏出圭奏復位奏兩
拜典儀唱行獻禮內贊導上至御案前奏搢圭奏獻爵
奏出圭奏詣讀祝位奏跪贊讀祝讀祝官跪讀祝曰維
嘉靖某年歲次某月朔某日孝玄孫嗣皇帝某敢昭告
於皇祖太祖高皇帝曰茲以今月某日冬至祈祀上帝
於園丘謹請皇祖配帝侑神伏惟鑒知謹告讀訖奏俯
伏興平身奏復位太常卿跪奏禮畢請還宮內贊奏兩

拜典儀唱讀祝官捧祝詣燎位奏禮畢上請主還寢訖
易服御華蓋殿太常寺卿同光祿寺卿面奏省牲訖上

御奉天殿百官具朝服聽受誓戒傳制

儀見儀制司

一前期

二日太常卿同光祿卿奏省牲如常儀

牛九北羊三豕
三鹿一兔六

是日錦衣衛具神輿香亭太常官具玉帛匣及香盒各

設於奉天殿次日上至奉天殿親填祝版

版以青褚
硃書之

置

玉帛於匣太常卿捧安輿內上三上香行一拜三叩頭

禮畢錦衣衛官校舁至天壇太常卿奉安於神庫一前

期一日免朝錦衣衛備法駕設板輿於奉天門下正中
上吉服告於廟如告視牲之儀告辭曰孝玄孫嗣皇帝
某出宿於郊祇行大報禮謹詣祖宗列聖帝后神位前
恭預告知告畢上出乘輿詣南郊由西天門入至昭亨
門外降輿禮部太常官導上由左門入至內壇太常卿
導上至圓丘恭視壇位次至神庫視籩豆至神厨視牲
畢仍由左門出陞輿至齋宮分獻陪祀官叩頭如常儀
一陳設 正二壇 上帝南向犢一蒼玉一郊祀制帛

十二俱青色登一簋簋各二邊十二豆十二蒼玉爵三
酒尊三青漆團龍籩一祝案一配帝西向牘一奉先制
帛一白色登一簋簋各二邊十二豆十二蒼玉爵三酒
尊三雲龍籩一從四壇俱在壇之二成 大明在東西
向牘一登一禮神制帛一赤色簋簋各二邊十豆十酒
盞二十青瓷爵三酒尊三籩一 夜明在西東向陳設
同禮神制帛一白色 星辰在東西向北上曰五星曰
二十八宿曰周天星辰牘一羊一豕一登一鉶二實以

和羹簋各二籩十豆十酒盞三十帛十青色一赤色
一黃色一白色六黑色一青窰爵三酒尊三篚一雲
雨風雷在西東向北上陳設同帛四青色一白色一黃
色一黑色一一皇穹宇請神位前期一日太常寺設香
案於丹墀正中將事之夕三更一點禮部太常寺堂上
官恭詣香案前尚書上香率各官行一拜三叩頭禮畢
太常寺官九員分詣東西配殿各請從位神牌出龕先
雷師次風伯次雨師次雲師次周天星辰次二十八宿

次五星次夜明次大明捧至丹墀東西向立太常寺官
一員詣殿中請太祖主出龕太常寺少卿一員恭捧西
向立太常寺官二員請上帝神版出龕太常寺卿恭捧
南向立禮部侍郎二員導引出殿先上帝次太祖次大
明次夜明次五星次二十八宿次周天星辰次雲師次
雨師次風伯次雷師由圜丘北門入轉至午陛陞壇先
上帝次太祖次從位各依原序先後奉安於神座候上
至大次尚書率各官致詞復命叩頭出祭畢太常官如

前捧請禮部侍郎導引入殿以次納於龕中奉安訖各
官仍行一拜三叩頭禮出一正祭是日三鼓上自齋宮
乘輿至外壇神路之西降輿導引官導上至神路東大
次上香官同導引官捧神位官復命訖退百官排班於
神路之東西以俟上具祭服出導引官導上由左櫺星
門入內贊對引官導上行至內壇典儀唱樂舞生就位
執事官各司其事上至御拜位內贊奏就位上就位典
儀唱燔柴唱迎帝神樂作內贊奏陞壇導上至上帝金

壚前奏跪奏搢圭司香官捧香跪進於上左內贊奏上

香上三上香訖奏出圭導至太祖金壚前儀同奏復位上

復位樂止內贊奏四拜傳贊百官同典儀唱奠玉帛樂作內

贊奏詣神御前導上至神御前奏搢圭捧玉帛官以玉

帛跪進於上右上受玉帛內贊奏獻玉帛上奠訖奏出

圭導至太祖前奏搢圭奏獻帛奏出圭奏復位上復位

樂止典儀唱進俎樂作齋郎舁俎安訖內贊奏詣御前

導上至神御前奏搢圭奏進俎奏出圭導至太祖前儀同

奏復位上復位樂止典儀唱行初獻禮樂作內贊奏詣
神御前導上至神御前奏搢圭捧爵官以爵跪進於上
右上受爵內贊奏獻爵上獻訖奏出圭奏詣讀祝位導
上至讀祝位奏跪傳贊衆官皆跪樂暫止內贊贊讀祝
讀祝官跪讀祝畢樂復作奏俯伏興平身傳贊百官同讀祝
官跪進祝版上捧至御案篚內安訖今讀祝官內安內贊導至
太祖前奏搢圭捧爵官以爵跪進於上右止受爵奏獻
爵上獻訖奏出圭奏復位上復位樂止典儀唱行亞獻

禮樂作

儀同初獻
惟不讀祝

奏復位樂止典儀唱行終獻禮樂作

儀同
亞獻

奏復位樂止太常卿進立於壇之二成東向唱賜

福胙內贊奏詣飲福位導上至飲福位光祿卿捧福酒

跪進於上左內贊奏跪奏稽主奏飲福酒上飲訖光祿

官捧福胙跪進於上左內贊奏受胙上受訖奏出主俯

伏興平身奏復位上復位奏四拜

傳贊百
官同

典儀唱撤饌

樂作執事官撤饌訖樂止典儀唱送神樂作內贊奏四

拜

傳贊百
官同

樂止典儀唱讀祝官捧祝進帛官捧帛掌祭

官捧饌各恭詣泰壇上退立於拜位之東典儀唱望燎
樂作內贊奏詣望燎位內贊對引官導上至望燎位燎
半內贊奏禮畢樂止內贊對引官導上至大次易服如
遇風雪有司設黃氊小次於圜丘下上恭就小次對越
行禮其升降上香奠獻俱以太常執事官代禮部太常
官奉神位安於皇穹宇上還齋宮少憩駕還百官具朝
服於承天門外橋南立迎駕上入詣廟叅拜如視牲還
之儀致辭曰孝玄孫嗣皇帝某行圜丘大報禮成恭詣

祖宗列聖帝后神位前謹用叅拜叅畢百官隨至奉天
殿行慶成禮一分獻官儀注上行初獻禮讀祝訖奏俯
伏興平身贊引引分獻官由東西陞詣各神位香案前
贊跪贊搯笏贊上香贊獻帛贊獻爵贊出笏贊復位亞
終獻儀同惟不至典儀唱望燎各分詣燎壚前燎贊禮
畢一祝文維嘉靖某年歲次某月朔某日嗣天子臣某
敢昭奏於皇天上帝曰時維冬至六氣資始敬遵典禮
謹率臣僚恭以玉帛犧齊粢盛庶品備此裡燎祇祀於

上帝奉太祖開天行道肇紀立極大聖至神仁文義武
俊德成功高皇帝配帝侑神尚享一樂章 迎帝神中和
之曲仰惟玄造兮於皇昊穹時當肇陽兮大禮欽崇臣
惟蒲柳兮蜚蟻之衷伏承眷命兮職統羣工深懷愚昧
兮恐負洪德爰遵彝典兮勉竭微衷遙瞻天闕兮寶輦
臨壇臣當稽首兮祇迓恩隆百辟陪列兮舞拜於前萬
神翊衛兮而西以東臣俯伏迎兮敬瞻帝御願垂歆鑒
兮拜德曷窮 奠玉帛肅和之曲龍輿既降兮奉禮先

爰有束帛兮暨瑤琨臣謹上獻兮進帝前仰祈聽納兮
荷蒼乾進俎凝和之曲脩饁珍饌兮薦上玄庖人列
鼎兮致精虔臣盍祇獻兮馨醴恮願垂歆享兮民福淵
初獻壽和之曲禮嚴初獻兮奉觴臣將上進兮聖皇
聖皇垂享兮穆穆臣拜首兮何以忘亞獻豫和之曲
禮觴再舉兮薦玉漿帝顏歆悅兮民福昂民生有賴兮
感上蒼臣惟鞠拜兮荷恩長終獻熙和之曲三獻兮
禮告成一念微衷兮露悃臣情景張樂舞兮聲鏗鉉仰

瞻聖容兮俯錫恩泓 撤饌雍和之曲祀禮竣兮精意裡
三獻備兮誠已申敬撤弗遲兮肅恭寅恐多弗備兮惟
洪仁 送帝神清和之曲裡事訖終兮百辟維張帝垂
歆鑒兮沐澤汪洋龍車冉冉兮寶駕旋雲靈風鼓舞兮
瑞露清凜洪恩浩蕩兮無以為酬麤陳菲薦兮已感歆
嘗香氣騰芳兮上徹帝座仰瞻聖造兮賜福羣方臣同
率土兮載歡載感祇迴寶輦兮鳳嘯龍翔誠惶誠恐兮
仰戀彌切願福生民兮永錫享昌 望燎時和之曲龍

車寶輦兮昇帝鄉御饁菲帛兮奉燎方環佩鏗鏘兮羅
壇墼炬焰特舉兮氣輝煌生民蒙福兮聖澤霑臣荷眷
祐兮拜謝恩光

萬厯三年親祀園丘儀正祭前六日早上帝服以親詣
南郊視牲預告於太廟前五日錦衣衛備隨朝駕如常
儀質明上常服御皇極殿太常寺官奏請聖駕視牲百
官具吉服朝參鳴鞭訖先趨出午門外東西序立候送
上由大明門正陽門西天門舊路至犧牲所南門迤西

上降輦禮部尚書侍郎太常卿少卿導上至所內幄次
禮部官跪奏請視牲仍同太常寺官導上至各牲房前
太常卿跪奏視大祀牲遂一視畢仍導上至幄次內上
少憩出禮部太常寺官仍導上陞輦駕還百官俱於承
天門外序立候迎上仍詣太廟參謁前四日上御皇極
殿太常寺奏祭祀前三日質明上常服乘輿詣太廟門
西降輿至幄次內具祭服告請太祖配神行一獻禮畢
出幄次內易皮弁服回御中極殿太常寺光祿寺官奏

省牲畢御皇極殿傳制誓戒百官前二日早上常服以親詣南郊大祀預告於太廟是日午後太常寺官捧蒼玉帛匣香盒同神輿亭進於皇極殿內司禮監官捧帛同安設於御案之北前一日質明上從文華殿出由皇極殿左門入至御案前立太常卿捧祝版由中門進於御案上上填御名訖太常卿捧安輿中司禮監官進帛於上裝匣內并蒼玉安訖太常卿捧安輿中太常卿隨捧香盒於香亭右跪上三上香行一拜三叩頭禮畢轉

於東西向立錦衣衛官校入舁輿亭由中門出太常卿
隨詣天壇神庫奉安上由殿中門出乘輿詣南郊至昭
亨門西禮部尚書侍郎太常卿少卿等官行叩頭禮畢
分兩傍俟上降輿尚書等官導上由昭亨左門入至內
壇左門太常卿跪迎同導上至午陛尚書等官俱止太
常卿導上至圜丘恭視壇位尚書等官俱先詣東陛前
俟候上視壇位畢太常卿導上由東陛下尚書等官同
導上至神庫視籩豆至神厨視牲俱太常卿導入逐一

奉畢禮部太常寺官導上仍由昭亨左門出陞輿至齋
宮分獻陪祀官朝參傳旨賜早飯各官叩頭謝恩至午
各官候旨朝參仍傳旨賜午飯謝恩如前儀是日午後
太常寺陳設如常儀至一更時分禮部尚書等官詣皇
穹宇尚書上香請神侍郎二員導引太常寺官以次捧
正位配位神版從位神牌詣壇奉安訖候報時上常服
乘輿出至外壇神路之西降輿導駕官導上至神路東
大次禮部同太常官復命畢上具祭服出由內壇左櫺

星門入行大祀禮如常儀畢上至大次易常服至齋宮
少憩駕還仍詣太廟參謁畢具袞冕服御皇極殿行慶
成禮

嘉靖十七年更上皇天上帝泰號儀一前期六日以果
酒脯醢告諸神於園丘壇下用帛上具常服分獻陪祀
官吉服嚴辦上至壇所內贊奏就位迎神上香分獻官
各上香行兩拜奠獻如常儀典儀唱宣告文分獻陪祀
官跪宣文官立宣告文曰大明嗣天子某謹移文告於

大明之神夜明之神五星列宿周天星辰之神雲雨風
雷之神周天列職之神五嶽五山之神五鎮五山之神
基運翊聖神烈天壽純德五山之神四海之神四瀆之
神際地列職祇靈天下諸神天下諸祇戊戌太歲之神
十月將神直日功曹之神郊壇司土之神曰朕祇於來
月朔旦躬率臣民上尊皇天上帝泰號仰高玄九重預
告於諸神衆祇煩為朕運爾神化昭爾靈顯通朕微衷
於上帝祈賜允鑒之慈享朕欽薦之號為此文告神宜

悉知謹告宣訖百官俯伏興亞獻終獻如常儀送神行
兩拜宣文官捧文進帛官捧帛各詣燎位內贊奉禮畢
上還御華蓋殿執事官行禮如常儀樂作上至奉天殿
中立定樂止鴻臚寺官舉勅案至殿中上親取勅授輔
臣輔臣立受以制詞授宣制官上陞座鳴鞭行禮如常
儀鴻臚寺官奏禮官奏禮畢樂作上起輔臣捧勅由中
道出至奉天門發示禮部捧出開讀如常儀一前期翰
林院恭詣合用祭告文太常寺備持牲熟薦十二籩豆

玉帛及告景神殿脯醢酒果欽定捧冊表大臣二員并諭文武官陪拜國子監監生順天府生員耆老人等俱隨班行禮在朝於午門外在壇於昭亨門外序班一先期四日上御奉天殿太常寺奏齋戒如常儀百官致齋三日一先期三日太常寺光祿寺面奏省牲如常儀一先期一日鴻臚寺官設冊表案於奉天殿正中內侍官設冊表綵輿於丹陛上設香案於冊表輿前教坊司設中和樂大樂錦衣衛設鹵簿大駕本日禮部率太常寺

官恭詣圜丘設冊表案於神御位右設上拜位於二成
正中司設監設大次於圜丘神路之東陳設畢遣重臣
上香奉請神御位太常寺設輿於泰神殿丹陛下奉神
位陞輿導引官二員前導陞圜丘奉安設神祇十一壇
紙位於內壇下天神東西向地祇北向俱設酒果脯醢
不奠獻其紙位并帛執事官俟望燎各捧分燎天神壚
東地祇壚西一是日戌初刻鳴鐘鼓百官依朝賀禮於
奉天殿丹墀序立陪祀官具祭服餘官朝服上告景神

殿畢具冕服御奉天殿鴻臚寺卿奏請行禮上躬捧冊
表奉安綵輿內錦衣衛官督舉輿冊表輿行大樂鼓吹
前導駕發文武百官隨行至正陽門外騎從冊表輿至
圜丘壇門外原遣大臣捧請冊表出輿亭置于案上至
昭亨門外降輦導引官導上至御大次鼓三嚴鴻臚寺卿
奏外辦又奏中嚴導引官導上至圜丘典儀唱樂舞生
就位執事官各司其事內贊奏就位上就位典儀唱迎
帝神奏樂內贊導上至香案前奏跪奏拈圭奏上香上

三上香訖奏復位樂止內贊奏四拜

傳贊百官同

典儀唱昇

冊表樂作內贊奏陞壇上陞壇樂暫止奏跪

傳贊衆官皆跪

奏

搢圭原遣大臣二員一捧冊表進於上右上受冊表獻

訖一接受於上左以付宣冊表官奏出圭奏宣冊表太

常寺卿跪宣訖原受冊表大臣復進於上上親捧奠於

帛篚樂復作奏俯伏興平身

傳贊百官同

奏復位典儀唱奠

玉帛樂作內贊奏詣神御前上陞至神御前奏搢圭捧

玉帛官以玉帛跪進於上右上受玉帛奠訖奏出圭奏

復位樂止典儀唱進俎樂作齊郎舁饌至內贊奏詣神
御前上陞至神御前奏搢圭奏進俎奏出圭奏復位樂
止典儀唱行初獻禮樂作內贊奏詣神御前上陞至神
御前奏搢圭捧爵官以爵跪進於上右上受爵奏獻爵
上獻訖奏出圭復位樂止典儀唱讀祝樂作內贊奏詣
讀祝位奏跪上至讀祝位跪傳贊衆
官皆跪樂暫止內贊贊讀
祝讀祝官跪讀訖樂作內贊奏俯伏興平身傳贊百
官同樂
止亞獻終獻飲福受胙撤饌送帝神俱如常儀送神後

典儀唱宣冊表官捧冊表進玉帛官捧玉帛讀祝官捧
祝掌祭官捧饌各恭詣泰壇典儀唱望燎樂作上退拜
位東西向內贊奏詣望燎位燎半內贊奏禮畢樂止導
引官導上至幕次易服還宮禮成詔示中外一樂章

迎神中和之曲於昔洪荒之初兮混濛五行未運兮兩
曜未明其中挺立兮有容無聲神皇出御兮始判濁清
立天立地立人兮羣物生生 昇冊表元和之曲帝闢
陰陽兮造化張神生七政兮精華光圓覆方載兮兆物

康臣敢祇報兮拜薦帝曰皇 奠玉帛休和之曲帝垂
聽兮義若親子職庸昧兮無由申冊表荷鑒兮泰號式
尊敬陳玉帛兮燕賀洪仁 進俎豫和之曲大筵弘開
懽聲如雷皇神賜享臣衷涓埃大鼎炮烹肴饒馨裁帝
歆兮兆民之福臣感恩兮何如幸哉 初獻壽和之曲
大高降恩鑒微情何以承臣愚端拜捧瑤觥堅壽無極
并 奏祝景和之曲帝皇立命兮肇三才中分民物兮
惟天徧該小臣請命用光帝陪庶永配於皇穹哉 亞

獻太和之曲羣生總總兮
悉蒙始恩人物盡囿兮於帝
仁羣生荷德兮誰識所從來
於惟皇兮億兆之祖真
終獻永和之曲寶宴弘玉几
憑瓊液陞樂舞翺協氣凝
民物初臣衷蹇蹇兮報無能
徹饌咸和之曲太奏既
成微誠莫傾皇德無京陶此
羣生巨細幘幘刻小臣之
感衷兮罔罄愚情實弘涵而
容納兮曲賜生成 送帝
神清和之曲禮祗冊薦兮皇
神垂享萬舞畢舉兮九成
已行帝賜洪庥兮大我家慶
金鳴玉振兮聲鏜鏜羣僚

環珮兮響珎璫神人交賀兮贊帝皇寶稱泰號兮曷有
窮量永固高厚兮宰御久常微臣頓首叩首兮攸沐恩
光 奉燎熙和之曲瑤簡拜書兮泰號成奉揚帝前兮
資離明珍幣嘉肴兮與祝誠均登巨炤兮達玄清九垓
四表兮莫不昂瞻庶類品彙兮悉慶洪名

方澤

嘉靖九年定一前期十日太常寺題請視牲次請命看
牲分獻大臣各四員一前期五日上詣犧牲所視牲其

前一日上告廟及還參拜俱如大祀之儀告辭曰明日
出視方澤大祭牲儀回還餘並同大祀參畢回宮次日
命大臣輪視如常儀一前期四日太常寺奏祭祀進銅
人如常儀諭百官致齋三日上親填告請太祖祝版於
文華殿一前期三日上詣太廟請太祖配神以脯醢酒
果行再拜一獻禮祝文曰嘉靖某年歲次某月朔某日
孝玄孫嗣皇帝某敢昭告於太祖高皇帝曰茲以今月
日夏至恭祭皇地祇於方澤謹請皇祖作主侑神伏惟

鑒知謹告一前期二日太常卿同光祿卿奏省牲如常儀一前期一日太常卿詣太廟寢太祖御位至皇祇室奉安上親填祝版於文華殿

黃楮版
黑書

遂告於廟告辭曰

孝玄孫嗣皇帝某明日恭詣北郊行祭地禮謹詣祖宗列聖帝后神位前恭預告知一陳設 正二壇正位北向犢一黃璧一郊祀制帛一黃色登一簠簋各二邊十二豆十二黃玉爵三尊三篚一祝案一配位西向陳設同無玉奉先制帛一白色 從四壇五嶽基運山翔聖

山神烈山共一壇東設西向犢一羊一豕一帛八黃一
青一紅一白四玄一登一鉶一簋簋各二籩十豆十黃
瓷爵三酒盞三十尊三篚一五鎮天壽山純德山共
一壇西設東向陳設同帛七黃一青一紅一白三玄一
四海一壇東設西向陳設同帛四青一紅一白一玄
一四瀆一壇西設東向陳設同帛四玄色一正祭是
日五鼓太常卿候上御奉天門跪奏請聖駕詣地壇錦
衣衛備隨朝駕上常服乘輿由長安左門出入壇之西門

太常官導上至具服殿易祭服出導引官導上由方澤
右門入典儀唱樂舞生就位執事官各司其事內贊奏
就位上就位典儀唱瘞毛血唱迎神樂作樂止內贊奏

四拜

傳贊百官同

典儀奠玉帛樂作內贊奏陞壇導上至皇

祇香案前奏跪奏搢圭司香官捧香跪進於上右內贊
奏上香上三上香訖捧玉帛官以玉帛跪進於上右上
受玉帛內贊奏獻玉帛上奠訖奏出圭導至太祖香案

前

儀同

奏復位樂止典儀唱進俎樂作齋郎舁俎安訖內

贊奏陞壇導上至皇祇俎匣前奏搢圭奏進俎奏出圭

導上至太祖俎匣前

儀同

奏復位樂止典儀唱行初獻禮

樂作內贊奏陞壇導上至皇祇前奏搢圭捧爵官以爵

跪進於上右上受爵內贊奏獻爵上獻訖奏出圭奏詣

讀祝位奏跪

傳贊衆官皆跪

樂暫止內贊贊讀祝讀祝官跪讀

祝畢樂復作內贊奏俯伏興平身

傳贊百官同

導上至太祖

前奏搢圭捧爵官以爵跪進於上右上受爵內贊奏獻

爵上獻訖奏出圭奏復位樂止典儀唱行亞獻禮樂作

儀同初獻
惟不讀祝

樂止典儀唱行終獻禮樂作

儀同
亞獻

樂止太常

卿進立壇左東向唱賜福胙內贊奏詣飲福位內贊對
引官導上至飲福位奏跪奏揖圭光祿卿捧福酒跪進

於上右內贊奏飲福酒上飲訖光祿官捧福胙跪進於

上右內贊奏受胙上受訖奏出圭奏俯伏興平身奏復

位奏四拜

傳贊百
官同

典儀唱徹饌樂作執事官徹饌訖樂

止典儀唱送神樂作內贊奏四拜

傳贊百
官同

樂止典儀唱

讀祝官捧祝進帛官捧帛掌祭官捧饌各詣瘞位典儀

唱望燎內贊奏詣望瘞位內贊對引官導上至望瘞位
祝帛埋訖配帝帛燎半內贊奏禮畢導引官導上至具
服殿易服太常卿捧太祖御位入安於太廟寢駕還詣
廟叅拜致辭曰孝玄孫嗣皇帝某恭詣北郊祭地禮成
謹詣祖宗列聖帝后神位前恭行叅拜畢還宮一分獻
官儀注典儀唱行初獻禮讀祝訖俯伏興平身贊引引
獻官各詣神位前贊跪贊搢笏上香獻帛獻爵訖贊出
笏復位典儀唱行亞獻禮終獻禮贊引引獻官各詣神

位前贊搢笏獻爵出笏復位至唱望瘞贊引引獻官至
燎所燎半贊禮畢一祝文維嘉靖某年歲次某月某朔
某日嗣天子臣某敢昭告於皇地祇曰時當夏至羣物
方亨生長發育有生咸賴功德至厚上配皇天爰遵典
禮謹率臣僚以玉帛牲齊粢盛庶品奉茲瘞祀奉太祖
高皇帝配神尚享一樂章 迎神中和之曲俯瞻兮鳳
輦來靈風兮拂九垓川嶽從兮後先百辟列兮襄陪臣
拜首兮迓迎願臨享兮幸哉 奠玉帛廣和之曲祀禮

有嚴兮奉虔玉帛在笥兮來前皇靈垂享兮以納烝民
率土兮樂豐年進俎咸和之曲肴饌馨兮氣芳庖人
奉役兮和湯奉進兮皇祇歆慰臣稽首兮敬將初獻
壽和之曲酒行初獻兮樂舞張齊醴明潔兮馨香願垂
享兮以歆生民安兮永康亞獻安和之曲載獻兮奉
觴神顏和懿兮以嘗功隆厚載兮配天民感德兮無量
終獻時和之曲三進兮玉露清百職奔繞兮佩環鳴
鳬鍾鷺鼓兮韻錚鉤願留福兮羣生徹饌貞和之曲

禮告終兮徹敢違深惟一念兮誠意微神垂博容兮聽
納恐未備兮唯慈依送神寧和之曲禮成兮誠已伸
駕還兮法從陳靈祇列兮以隨百辟拜兮恭寅望坤宮
兮奉辭願普福兮烝民望瘞同送神

朝日壇

嘉靖十一年定一前期三日太常寺奏祭祀如常儀諭
百官致齋二日一前期二日太常卿同光祿卿奏省牲
如常儀一前期一日上親填祝版於文華殿

紅楮版硃書如遇遣

官之歲則中
書官代填

遂告於廟告辭曰孝玄孫嗣皇帝某明日

往詣朝日壇躬祭大明之神謹詣祖宗列聖帝后神位

前恭預告知

遣官則否

一陳設

大明之神西向犢一羊一

豕一登一鉶二簋簋各二籩十豆十玉爵三紅瓷酒盞

三十酒尊三紅瑪瑙玉一帛一紅色篚一祝案一一正

祭是日免朝錦衣衛備隨朝駕上常服乘輿由東長安

門出至壇北門入至具服殿具祭服出導引官導上由

左門入典儀唱樂舞生就位執事官各司其事內贊奏

祝讀祝官跪讀祝畢樂復作奏俯伏興平身

傳贊百官同

奏

復位樂止典儀唱行亞獻禮樂作

儀同初獻但不讀祝

樂止典儀

唱行終獻禮樂作

儀同亞獻

樂止太常卿進立於壇前之右

唱賜福胙內贊奏詣飲福位道上至飲福位奏跪奏搢

圭光祿官捧福酒跪進於上右內贊奏飲福酒上飲訖

光祿官捧福胙跪進於上右內贊奏受胙上受訖奏出

圭俯伏興平身奏復位上復位奏兩拜

傳贊百官同

樂止典

儀唱徹饌樂作執事官徹饌訖樂止典儀唱送神樂作

內贊奏四拜興平身

傳贊百官同

樂止典儀唱讀祝官捧祝

進帛官捧帛掌祭官捧饌各詣燎位樂作內贊奏禮畢

樂止導引官導上至具服殿易常服陞輦還參拜於廟

致辭曰孝玄孫嗣皇帝某躬祭大明之神禮成恭詣祖

宗列聖帝后神位前謹用參拜畢還宮

遣官則否

一祝文維

嘉靖某年歲次某月朔某日嗣天子某謹昭告於大明

之神惟神陽精之宗列神之首神光下照四極無遺功

垂今昔率土仰賴茲當仲春式遵古典以玉帛牲醴之

儀恭祝於神伏惟鑒歆錫福黎庶尚享一樂章 迎神
熙和之曲仰瞻兮大明位尊兮王宮時當仲春兮氣融
爰遵祀禮兮報功微誠兮祈神照鑒願來享兮迓神聰
奠玉帛凝和之曲神靈壇兮肅其恭有帛在篚兮亦
琮奉神兮祈享以納予躬奠兮忻以顯 初獻壽和之
曲玉帛方奠兮神歆酒行初獻兮舞呈齋芳馨兮犧色駢
神容悅兮鑒予情 亞獻時和之曲二齊升兮氣芳芬
神顏怡和兮喜將予令樂舞兮具張願垂普照兮民康

終獻保和之曲愍懃三獻兮告成羣職在列兮周盈
神錫休兮福民生萬世永賴兮神功明 徹饌安和之
曲一誠盡兮予心懌五福降兮民獲禧仰九光兮誠已
申終三獻兮徹敢遲 送神昭和之曲祀禮既周兮樂
舞揚神享以納兮還青鄉予當拜首兮奉送願恩光兮
普萬方永耀熹明兮攸賴烝民咸仰兮恩光 望燎之
曲覩六龍兮御駕神變化兮鳳者翬鸞翔東帛飭饁兮詣
燎方祐我皇明兮基緒隆長

夕月壇

嘉靖十一年定一前期二日太常寺奏祭祀如常儀諭百官致齋二日一前期一日太常卿同光祿卿奏牲省如常儀是日上親填祝版於文華殿

白楮版黑書如遇遣官之歲則中書

官代填

遂告於廟告辭曰孝玄孫嗣皇帝某明日往祭夜

明等神於夕月壇謹詣祖宗列聖帝后神位前恭預告

知遣官則否

一陳設夜明之神東向犢一羊一豕一登一

鉶二簠簋各二籩十豆十金爵三白瓷酒盞三十酒尊

三玉用白璧一帛一白色籩一祝案一從位一壇南向籩十豆十帛十青紅黃各一白六玄一一正祭是日免朝錦衣衛備隨朝駕申時上常服乘輿由西長安門出至壇北門入至具服殿具皮弁服出導引官導上由中門入典儀唱樂舞生就位執事官各司其事內贊奏就位上就拜位典儀唱迎神樂作樂止內贊奏兩拜傳贊同百官典儀唱奠玉帛樂作內贊奏陞壇道亨上至夜明神位前奏跪奏搢圭司香官捧香跪進於上左內贊奏上

香上三上香訖捧玉帛官以玉帛跪進於上左內贊奏

獻玉帛上受玉帛奠訖奏出主奏復位樂止典儀唱行

初獻禮樂作內贊奏陞壇導上至神位前奏搢圭捧爵

官以爵跪進於上右上受爵內贊奏獻爵上獻訖奏出

主奏詣讀祝位奏跪

傳贊衆官皆跪

樂暫止贊讀祝讀祝官跪

讀祝畢樂復作奏俯伏興平身

傳贊百官同

奏復位上復位

樂止典儀唱行亞獻禮樂作

儀同初獻惟不讀祝

樂止典儀唱行

終獻禮樂作

儀同亞獻

樂止太常卿進立於壇前之右唱答

福胙內贊奏詣飲福位導上至飲福位奏跪奏搢圭光

祿卿捧福酒跪進於上左內贊奏飲福酒上飲訖光祿

官捧福胙跪進於上左內贊奏受胙上受訖奏出圭俯

伏興平身奏復位上復位奏兩拜

傳贊百官同

典儀唱徹饌

樂作執事官徹饌訖樂止典儀唱送神樂作內贊奏兩

拜

傳贊百官同

樂止典儀唱讀祝官捧祝進帛官捧帛掌祭

官捧饌各詣瘞位樂作內贊奏禮畢樂止導引官導上

入具服殿易常服陞輦還參拜於廟致辭曰孝玄孫嗣

皇帝某祭夜明等神回還恭詣祖宗列聖帝后神位前
謹用參拜畢還宮

遣官則否

一分獻官儀注初獻讀祝獻官

朝上跪至俯伏興平身贊引引獻官由北級上至神位
前贊搢笏上香獻帛獻爵訖贊出笏復位亞終獻上復
位贊引引獻官至神位前贊搢笏獻爵出笏復位一祝文
維嘉靖某年歲次某月朔某日嗣天子某謹昭告於夜
明之神惟神鍾陰之精配陽之德繼明於夕有生共賴
既惟五星列宿咸司下土各有攸分眇予之資仰承帝

命君此生民茲者時維秋分爰遵典禮以玉帛牲醴之儀用備常祭於神惟神歆鑒福我邦民尚享一樂章

迎神凝和之曲陰曰配合兮承陽宗式循古典兮齋以恭覩太陰來格兮星辰羅從予拜首兮迓神容初獻壽和之曲神其來止有嚴其誠玉帛在篚清醑方盈奉而奠之願鑒微情夫祀兮云何祈佑兮羣氓亞獻豫和之曲二觴載斟樂舞雍雍神歆且樂百職惟供願順歸兮五行祈民福兮惟神必從終獻康和之曲一誠

以申三舉金觥鍾鼓鈞鈞環珎琤琤鑒予之情願永保
我民生 徹饌安和之曲禮樂肅具精意用申位坎居
歆納茲藻蘋徹之勿遲儀典肅陳神其鑒之佑我生民
送神保和之曲禮備告終兮神喜旋穹碧澄輝兮素
華鮮星辰從兮返神鄉露氣清兮霓裳蹁躚望瘞之
曲餽饁兮焚帛薦之於瘞兮罔敢愆予拜首兮奉送願
永貺兮民樂豐年

祈穀令罷

嘉靖十年定一前期五日上詣犧牲所視牲先一日告廟及還參拜俱如大祀之儀告辭曰明日恭視祈穀牲儀參辭曰恭視祈穀牲儀回還次日以復命大臣輪視如常儀一前期四日太常寺奏祭祀諭百官致齋三日上親填告請太祖祝版於文華殿一前期三日上詣太廟請太祖配神以脯醢酒果行再拜一獻禮祝文曰維嘉靖某年歲次某月朔某日孝玄孫嗣皇帝某敢昭告於皇祖太祖高皇帝曰茲以今月日啟蟄之辰恭祀上

帝於圜丘為民祈穀謹請皇祖侑神伏惟鑒知謹告一
前期二日太常卿同光祿卿奏省牲如常儀一前期一
日上親填祝版於文華殿遂告於廟告辭曰孝玄孫嗣
皇帝某明日祇詣南郊行祈穀禮謹詣祖宗列聖帝后
神位前恭預告知夜二鼓禮部尚書上香侍郎道引太
常卿捧請神版奉安於壇位俱如大祀之儀一陳設上
帝位犢一玉用蒼璧一帛一青色登一簋簋各二籩十
二豆十二蒼玉爵三酒尊三篚一祝案一配帝位同惟

不用玉一正祭是日上常服乘輿至昭亨門右上降輿
導引官導上至大次具祭服出由左門入至陞上行登
禮如大祀之儀

惟不
燔柴

上還至廟叅拜致辭曰孝玄孫嗣

皇帝某祇詣南郊祈穀禮成躬詣祖宗列聖帝后神位
前謹用叅拜畢還宮一祝文維嘉靖某年某月某日嗣
天子臣某祇奏於皇天上帝曰候維啟蟄農事將舉爰
以茲辰敬祈洪造謹率臣僚以玉帛犧齎粢盛庶品備
斯明潔恭祀上帝於圜丘仰希垂鑒錫福烝民俾五穀

以皆登普萬方之咸賴奉太祖聖神文武欽明啟運俊
德成功統天大孝高皇帝侑神尚享一樂章 迎帝神
中和之曲臣惟穹昊兮民物之初為民請命兮祀禮昭
諸備筵率職兮祈洪庥臣衷微眇兮悃懇誠攄遙瞻駕
降兮霽色輝歡迎鼓舞兮迎龍輿臣愧非才兮后斯民
願福斯民兮聖恩渠 奠玉帛肅和之曲烝民勤職兮
農事顓蠶工亦慎兮固桑阡玉帛祇奉兮暨豆籩仰祈
大化兮錫以豐年 進俎咸和之曲鼎烹兮氣馨香饌

兮旨醺帝垂享兮以歆烝民蒙福兮以寧 初獻壽和

之曲禮嚴兮初獻行百職趨蹌兮佩琚鳴臣謹進兮玉
觥帝心歆鑒兮歲豐亨 亞獻景和之曲二觴舉兮致

虔清醴載斟兮奉前仰音容兮忻穆臣感聖恩兮實拳

拳 終獻永和之曲三獻兮一誠微裡禮告成兮帝鑒

是依烝民沐德兮歲豐穰臣拜首兮竭誠祈 徹饌凝

和之曲三獻週兮肅乃儀俎豆敬徹兮弗敢遲願留福

兮丕而曰雨曰暘兮若時 送帝神清和之曲祀禮告

備兮帝鑒彰臣情上達兮感昊蒼雲程肅駕兮返帝鄉
臣荷恩眷兮何以忘祥風瑞靄兮彌壇壝烝民率土兮
悉獲豐康望燎太和之曲遙覩兮天衢長邈彼寥廓
兮去上方東薦火兮希昇聞悃悞已通兮沛澤長樂終
九奏兮神人已和臣同率土兮咸荷恩光

大享

今罷

嘉靖十七年定一前期五日上詣犧牲所視牲其先一
日上告於廟及還叅拜俱如大祀之儀告辭叅辭改稱

大祀曰大享餘並同次日以後命大臣輪視如常儀一
前期四日太常寺奏祭祀如常儀諭百官致齋三日一
前期三日上詣太廟寢殿告請睿宗配帝以脯醢酒果
行再拜一獻禮祝文維嘉靖某年某月某日孝子皇帝
某敢昭告於皇考睿宗獻皇帝曰茲以今日恭行大
享禮於大享殿謹請皇考配帝侑神伏惟鑒知謹告一
前期二日太常卿光祿卿奏省牲如常儀一前期一日
上親填祝版於文華殿夜二鼓禮部同太常堂上官請

安神御版位俱如祈穀之儀一陳設上帝位犢一玉用
蒼璧一帛十二青色登一簋簋各二籩十二豆十二玉
爵三酒尊三篚一祝案一配帝位同惟不用玉一正祭
與祈穀同一祝文維嘉靖某年某月某日嗣天子臣某
恭奏享於皇上帝曰時當季秋咸成農事羣生蒙利
黎兆允安邦家是賴帝德敷天臣統臣工宜為酬享謹
用玉幣犧牲祇謝生成大福備此裡燎奉皇考睿宗知
天守道洪德淵仁寬穆純聖恭儉敬文獻皇帝配帝侑

歆尚享一樂章 迎帝神中和之曲於皇穆清兮弘覆
惟仁既成萬寶兮惠此烝民祇受厥明兮欲報無因爰
稽古昔兮式展明禋肅肅廣庭兮遙遙紫旻笙鏞始奏
兮祥風導雲臣拜稽首兮中心孔懃爰瞻寶輦兮森羅
萬神庶幾昭格兮眷命其申徘徊顧歆兮鑒我恭寅
奠玉帛肅和之曲捧珪幣兮瑤堂穆將愉兮聖皇秉予
心兮純一荷帝德兮溥將 進俎凝和之曲歲功阜兮
庶類成黍稷飮兮濡鼎馨敬薦之兮慙非輕大禮不煩

兮惟一誠 初獻壽和之曲金風動兮玉宇澄初獻觴
兮交聖靈瞻玄造兮懷鴻禎曷以酬之心忉忉 亞獻
豫和之曲帝眷我兮居歆紛繁會兮五音再奉觴兮莫
殫臣心惟帝欣懌兮生民是任 終獻熙和之曲綏萬
邦兮屢豐年眇眇予躬兮實荷昊天酒三獻兮心益虔
帝命參輿兮勿遽旋 徹饌雍和之曲 禮既洽兮神
人肅雍享帝享親兮勉竭臣衷惟洪恩兮罔極儼連蜷
兮聖容 送帝神清和之曲九韶既成兮金玉鏗鏘百

辟森立兮威羽斯藏皇天在上兮昭考在旁嚴父配天
兮祇修厥常殷薦既終兮神去無方玄雲上昇兮鸞鵠
參翔靈光回照兮郁乎芬芳載慕載瞻兮願錫亨昌子
孫黎民兮維帝是將於昭明德兮永懷不忘望燎時
和之曲龍輿杳杳兮歸上方金風應律兮燎斯揚達精
誠兮合靈光帝廷納兮玉幣將顧下土兮眷不忘願錫
吾民兮長阜康

禮部志稿卷二十五

欽定四庫全書

史部
禮部志稿卷二十六

詳校官編修_臣黃壽齡

編修_臣程嘉謨覆勘

總校官知縣_臣楊懋珩

校對官中書_臣吳俊

謄錄監生_臣周克鵬

欽定四庫全書

禮部志稿卷二十六

明 俞汝楫 編

祠祭司職掌

雩祀

國家凡遇水旱災傷及非常變異或躬禱或露告於
宮中於奉天殿陛或遣官祭告郊廟陵寢及社稷山
川無常儀嘉靖八年春祈雨冬祈雪皆御製祝文躬

詣南郊祠皇天后土遂躬祠山川神祇於山川壇次
日祠社稷壇冠服淺色鹵薄不設馳道不除皆不設
配不奏樂後建崇雩壇始定雩祀之儀十七年躬禱
雨於崇雩壇青服用一牛以熟薦具禮樂與雩祀同
亦不設配萬曆十三年上親禱郊壇却輦步行有步
禱儀詳具於後

嘉靖十一年定雩祀儀

歲旱則於季春之
末禮部奏請行禮

一前期四日太常寺奏祭祀如常儀諭百官致齋三日

一前期二日太常卿同光祿卿奏省牲如常儀次日復

命一前期一日上親填祝版於文華殿遂告於廟如祈

穀之儀一陳設

與祈穀同

一正祭是日上乘輿至昭亨門西

降輿過門東乘輿導引官導上至帷幕內具祭服出導

引官導至壇門內內贊對引官導上至拜位行禮如祈

穀之儀禮畢上至帷幕內易服駕還詣廟參拜回宮一

祝文

臨時撰用

一樂章

迎帝神

中和之曲於穆上帝爰

處瑤宮浴爾黎庶覆憫曷窮旗幢戾委蛇雲龍霖澤斯

溥萬寶有終 奠玉帛肅和之曲神之格思奠茲文繡
盛樂斯舉香氣氤氲精禋孔熯徹於紫冥懇祈膏澤渥
我嘉生 進俎咸和之曲百川委潤名山出雲愆暘孔
熾膏澤斯屯祈年於天載牲於俎神之格思報以甘雨
初獻壽和之曲有嚴崇祀日吉時良酌彼罍洗椒馨
苾香玄功溥濟時雨時暘惟神是聽綏以多穰 亞獻
景和之曲皇皇裡祀孔惠孔明瞻仰來歆拜首欽承有
醴維醺有酒維清雲韶侑獻肅雝和鳴聖靈有赫鑒享

精誠 終獻永和之曲靈承無斁駿奔有容嘉玉以陳
酌鬯以供禮三再稱誠一以從備物致志申薦彌恭神
昭景貺佑我耕農 徹饌凝和之曲有赫旱暵民勞瘁
斯于牲于醴載舞載詩禮成三獻敬徹不遲神之聽之
雨我公私 送帝神清和之曲爰迪寅清昭事顯穹仰
祈甘雨惠我三農既歆既格言歸太空式霑下土萬方
其同 望燎太和之曲赤龍旋馭禮洽樂成燔燎既舉
昭假精禋維帝降康雨施雲行登我黍稷溥受厥明

雲門之曲

祭畢使道童羣歌之

景龍精兮時見測鶉緯兮宵懸肆

廣樂兮鏗鉤列皇舞兮踰躡祈方社兮不莫薦圭璧兮
孔虔需密雲兮六漠霈甘澍兮九玄慰我農兮既渥錫
明昭兮有年

萬曆十三年步禱儀

一前期一日上具青服以躬詣南郊祈禱預告於奉天
殿行禮如常儀一前期一日太常寺進祝版上親填御
名訖太常寺博士捧出安輿亭內擡至南郊神庫奉安

一太常寺預設酒果脯醢香帛於園丘牛一熟薦設上
拜位於壇壝於正中一錦衣衛設隨朝駕不除道一正
祭是日免朝昧爽上具青服御皇極門太常寺官跪奏
請聖駕詣園丘上起步行護駕侍衛并道駕侍班翰林
科道等官如常儀百官各青衣角帶恭候於大明門外
內閣禮部太常寺近前其餘文東武西各照常朝班行
序立駕至魚貫前導卑者在前崇者在後緣道兩旁離
御路稍遠文武兩班就中又各自為對至昭亨門照前

序立候駕監禮御史等官如常儀鴻臚寺仍委序班十
餘員整肅班行不許誼譁越次一駕至昭亨門導引官
導上至左櫺星門外幕次少憩禮部尚書侍郎太常寺
卿少卿跪奏詣壇位內贊對引官導上行典儀唱執事
官各司其事內贊奏就位上至拜位典儀唱迎神內贊
奏陞壇導上至香案前奏跪奏上香上三上香訖奏復
位奏四拜傳贊百官同典儀唱奠帛行初獻禮內贊奏陞壇
導上至神御前奏獻帛訖奏獻爵訖奏詣讀祝位奏跪

傳贊百官皆跪贊讀祝訖奏俯伏興平身傳贊百奏復位典儀

唱行亞獻禮內贊奏陞壇導上至神御前奏獻爵訖奏

復位典儀唱行終獻禮儀同典儀唱送神內贊奏四拜

傳贊百官同典儀唱讀祝官捧祝進帛官捧帛各詣燎位內

贊奏禮畢導引官導上至幕次少憩上還仍詣奉先殿

參謁如常儀

節拜

嘉靖初沿先朝舊儀每日於宮中行拜天禮後以為瀆

罷之遇正旦冬至萬壽聖節於奉天殿

今皇極殿

丹陛上行

禮既定郊祀遂罷冬至之拜惟正旦萬壽聖節行禮於

玄極寶殿隆慶元年罷仍於皇極殿丹陛上行禮

嘉靖中定玄極寶殿拜天儀

今罷

前期一日太常寺博士

捧祝版於文華殿或精一堂或臨時於玄極門內候上

親填某太常寺辦祭品晡時同供事官入殿內陳設夜

二鼓太常寺官入候行禮三鼓初上具服乘輿至凌霄

門外降輿入門內太常寺卿跪奏神御位奉安訖導引

官道上至玄極門內由集真門入至左陛內贊對引官
導上由左門入就位典儀唱迎帝神內贊導上由中陛
登臺至香案前上香復位四拜典儀唱奠帛行初獻禮
內贊導至御案前獻帛獻爵詣讀祝位讀祝行亞獻終
獻禮典儀唱送帝神奏四拜奏詣望燎位禮畢上還宮
祝文元旦維某年某月某日嗣天子臣某敢昭奏於
皇天上帝曰適維斯辰節當元旦歲時所重爰奉典常
祇對皇穹仰瞻拜祝祈垂洪造大賜亨豐臣無任瞻奉

之至謹奏 萬壽聖節維某年某月某日嗣天子臣某
謹昭奏於皇天上帝曰臣以昧愚微資上叨帝心簡在
報稱無由稔諸愆戾今日臣生之辰祇申叩拜仰祇我
天慈俯垂賜鑒伏望降歆益大生生之仁均囿民物於
康和福壽之域臣下情不勝瞻對之至謹奏

社稷

太社稷

國初以春秋仲月上戊日祭太社太稷異壇同壇太

社以后土勾龍氏配太稷以后稷氏配每獻禮先詣
太社及配位壇獻畢次詣太稷及配位壇臨祭遇風
雨則於齋宮望祭洪武三年於壇北建享殿又北建
拜殿各五間以備風雨行禮十年改建社稷壇於午
門外之右先是社主用石高五尺濶二尺上微尖立
於社壇半埋土中近南向北稷不用主至是埋石主
於社稷壇之正中微露其尖仍用木為神牌而丹漆
之祭則設於壇上祭畢貯庫壇設太社神牌居東太

稷神牌居西俱北向奉仁祖神牌配神西向而罷勾
龍后稷配自奠帛至終獻皆同時行禮洪武三十一年
更奉太祖配神永樂中北京社稷壇成位置陳設
悉如南京舊制洪熙後奉太宗同配嘉靖九年遵初
制太社仍以后土勾龍氏配太稷仍以后稷氏配

洪武二十六年初定儀一齋戒與祭太廟同一告廟正
祭前二日用祝文酒菓於奉先殿告請仁祖配社稷祝
文與大祀同一省牲與太廟同牛三羊三豕三鹿一兔

二一陳設太社在東北向犢一羊一豕一豉一鉶二簋
豆各十二簠簋各二帛一黑色玉用兩圭有邸太稷在
西北向陳設同仁祖配位在東西向陳設同無玉共設
酒尊三爵九篚三於壇西北東向祝文案一一正祭典
儀唱樂舞生就位執事官各司其事導引官導引皇帝
至御拜位內贊奏就位典儀唱瘞毛血迎神奏樂樂止
內贊奏四拜百官同典儀唱奠玉帛行初獻禮奏執事官
各捧玉帛爵獻於神位前讀祝官取祝跪於神位左內

贊奏跪典儀唱讀祝讀訖進於太社神位前內贊奏俯

伏興平身

同百官

樂止典儀唱行亞獻禮奏樂執事官各

奉爵獻於神位前樂止典儀唱行終獻禮

儀同亞獻

太常寺

卿進立於壇西東向唱賜福胙光祿司官捧福胙自神

位前由正門左出至皇帝前內贊奏跪奏搢圭光祿司

官以福酒跪進內贊奏飲福酒光祿司官以胙跪進內

贊奏受胙出圭俯伏興平身內贊奏四拜

同百官

典儀唱

徹饌奏樂執事官各詣神位前徹饌樂止典儀唱送神

奏樂內贊奏四拜

百官同

樂止典儀唱讀祝官捧祝進帛

官捧帛掌祭官捧饌各詣瘞位奏樂內贊奏禮畢一祝

文維洪武某年某月某日皇帝某敢昭告於太社之神

太稷之神惟神贊輔皇祇發生嘉穀粒我烝民萬世永

賴時當仲

春秋

禮嚴

告祀報謝

謹以玉帛牲齊粢盛庶品備茲

瘞祭皇考仁祖淳皇帝配神尚享一樂章 迎神廣和

之曲予惟土穀分造化工為民立命今當報崇民歌且

舞兮朝雍雍備筵率職兮候迓迎想聖來兮祥風生欽

當稽首兮告拜年豐 初獻壽和之曲氤氲氣合兮物
遂蒙民之立命兮荷陰功予將玉帛兮獻微衷初斟醴
薦兮民福洪 亞獻豫和之曲予今樂舞兮再捧觴願
神昭格兮軍民康思必穆穆兮靈洋洋感厚恩兮拜祥
光 終獻熙和之曲千羽飛旋兮酒三行香煙繚繞兮
雲旌幢予今稽首兮忻且惶神顏悅兮霞彩彰 徹饌
雍和之曲祖陳微禮兮神喜將琅然絲竹兮樂舞揚願
祥普降兮遐邇方烝民率土兮盡安康 送神安和之

曲氤氲氤氲兮祥光張龍車鳳輦兮駕飛揚遙瞻稽首
兮去何方民福留兮時雨暘望瘞時和之曲捧饔飴
兮詣瘞方鳴鸞率舞兮聲鏗鏘思神納兮民福昂予今
稽首兮謝恩光

嘉靖九年更定儀一前期二日太常寺卿同光祿寺卿
面奏省牲如常儀一陳設太社居東北向太稷居西
北向后土勾龍氏居東西向后稷氏居西東向陳設並
如舊制惟帛春用告祀秋用禮神一正祭上乘輿由西

闕門入至壇北門東降輿導引官導上由右門入至具服殿上具祭服導引官導上由拜殿右門出典儀唱樂舞生就位執事官各司其事上至御拜位內贊奏就位上就位典儀唱瘞毛血迎神樂作內贊奉陞壇導上至太社神前奏跪奏拈圭奏上香司香官捧香跪於上左上三上香內贊奏出圭導上至太稷神前儀同奏出圭奏復位太常卿上配位香樂止奏四拜傳贊百官同典儀唱奠玉帛行初獻禮樂作執事官捧玉帛爵於各神位前跪

奠訖樂暫止內贊奏跪

傳贊衆官皆跪

典儀唱讀祝讀祝官跪

讀訖樂復作奏俯伏興平身

傳贊百官同

樂止典儀唱行亞

獻禮樂作執事者捧爵於各神位前跪奠訖樂止典儀

唱行終獻禮樂作

儀同亞獻

樂止太常卿於壇左東向立唱

賜福胙內贊奏跪上跪奏搢圭光祿卿捧酒跪於上右

內贊奏受胙上受胙訖奏出圭俯伏興平身奏四拜

傳贊

百官同樂止典儀唱讀祝官捧祝掌祭官捧帛饌各詣瘞

位樂作捧祝帛饌官過御前訖奏禮畢上至具服殿易

服還宮一祝文稱嗣天子及后土勾龍氏后稷氏配神
餘並同一樂章 仍舊

帝社稷

今罷

嘉靖十年上命於西苑空閒地開墾為田樹藝五穀建
帝社帝稷壇壇址高六尺方廣二丈五尺甃以細甃實
以淨土繚以土垣北為櫺星門高六尺八寸廣五尺八
寸神位以木為之各高一尺八寸廣三尺題曰帝社之
神帝稷之神俱硃漆質金書壇之南置石龕以藏神位

高六尺廣二尺壇之西為祭器庫樂器庫壇之北樹二坊以表之曰帝社街每歲以仲春秋次戊日上躬行祈報禮如次戊在望後則以上巳日臨期奏定一前期四日太常寺奏齋戒一前期一日太常寺奏省牲上親填祝版於文華殿一陳設帝社牛一羊一豕一登一鉶一簋豆各八簠簋各一帛一玄色春用告祀秋用禮神

帝稷陳設同一正祭是日辰刻上具皮弁服乘版輿至幽風亭東降輿導引官導上至櫺星門內典儀唱樂舞

生就位執事官各司其事上至御拜位典儀唱送神樂

作內贊導上陞壇至帝社帝稷香案前各三上香奏復

位樂止奏兩拜

通贊陪
拜官同

典儀唱奠帛行初獻禮樂作執

事者捧帛爵於各神前奠訖樂暫止奏跪上跪

通贊
同

內

贊贊讀祝讀訖樂復作奏俯伏興平身

通贊
同

樂止典儀

唱行亞獻禮樂作樂止唱行終獻禮樂作樂止唱徹饌

樂作樂止唱送神樂作奏兩拜

通贊
同

樂止典儀唱讀祝

官捧祝掌祭官捧帛饌各詣瘞位樂作奏禮畢上至鹵

風亭易服還宮一祝文維嘉靖某年歲次某月朔某日嗣

天子某致

告祭

於帝社之神帝稷之神

春云

時當

務農之期萬寶告成

庸修恒祀特茲

告祈

惟神歆鑒俾

五穀

皆登萬方咸

賴尚

享一樂章

迎神時和之曲

東金

風兮

地脈

以融首務

分稼

穡之工祀神于此兮苑中願來格兮慰予衷

初獻壽

和之曲神兮臨止禮薦清醇菲幣在笥初獻式遵神其

鑒茲享斯藻蘋我祀伊何祈報是因神兮錫祉財阜吾

民亞獻雍和之曲二觴再舉申此懇懃神悅兮以納

祥霑兮氤氲 終獻寧和之曲 禮終兮酒三行 喜茂實
兮稷黍梁農事待兮豐康予稽首兮以望 徹饌保和
之曲 祀事告終 三獻既周 徹之罔遲 惠注田疇 迺以休
貺 庇茲有秋 送神廣和之曲 望瘞 耕耨 伊首 力事豆籩
粢盛賴之於此 大田予將以祀神 其少延願 留嘉祉副
我潔虔 肅駕兮雲旋 普予兮有年

神祇 今罷

國初建山川壇於天地壇之西正殿七間祭太歲風

雲雷雨五嶽五鎮四海四瀆鍾山之神東西廡各十五間分祭京畿山川春夏秋冬四季月將及都城隍之神壇西南有先農壇東有旗纛廟南有藉田洪武二年封京都及天下城隍神三年正嶽鎮海瀆城隍諸神號合祀太歲月將風雲雷雨嶽鎮海瀆山川城隍旗纛諸神又令每歲用驚蟄秋分各後三日遣官祭山川壇諸神是日上皮弁服御奉天殿降香中嚴坐殿上獻官復命解嚴還宮七年令春秋仲月上

旬擇日祭未幾以諸神從祀南郊省春祭十年今中
七壇上親行禮餘以功臣分祀永樂中建山川壇位
置陳設悉如南京舊制惟正殿鍾山之右增祀天壽
山神嘉靖八年令以每歲孟春及歲暮特祀太歲月
將之神與享太廟同日凡親祀山川等神皆用皮弁
服行禮以別於郊廟九年更風雲雷雨之序曰雲雨
風雷又分雨師雲師風伯雷師以為天神嶽鎮海瀆
鍾山天壽山京畿并天下名山大川之神以為地祇

每歲仲秋中旬擇吉行報祭禮同日異時而祭城隍
神於其廟十年建天神地祇壇於先農壇之南天神
在左南向地祇在右北向附祖陵基運山皇陵翔聖
山顯陵純德山神於地祇壇并號鍾山曰神烈山十
一年令神祇壇以丑辰未戌三年一親祭隆慶元年
議罷惟太歲月將特祭於山川壇如初

洪武二十六年初定儀一齋戒前一日太常司官宿於
本司次日具本奏致齋二日次日進銅人凡正祭前二

日太常司官同部官詣城隍廟發客一省牲與太廟同
牛十四後十五羊十三後十四豕十四後十五鹿一兔
七一陳設正殿七壇太歲犢一羊一豕一登一鉶二籩
豆各十簋簋各二帛一白色禮神制帛酒盞三十風
雲雷雨陳設同帛四白色禮神制帛五嶽陳設同帛
五五色禮神制帛各依方位五鎮陳設同帛五五色
禮神制帛四海陳設同帛四四色禮神制帛四瀆
陳設同帛四黑色禮神制帛鍾山陳設同帛一白色

禮神制帛共設酒尊三爵七篚七於殿東南西向祝文
案一於殿外正道西 東廡三壇京畿山川犢一羊一
豕一登一鉶二籩豆各十簋簋各二帛一白色禮神制
帛酒盞三十 夏季月將陳設同帛三白色禮神制帛
冬季月將陳設同帛三白色禮神制帛共設酒尊三
爵三篚三於壇南北向 西廡三壇 春季月將秋季
月將陳設並同 都城隍陳設同帛一白色禮神制帛
共設酒尊三爵三篚三於壇南北向一正祭典儀唱樂

舞生就位執事各司其事導引官導皇帝至御拜位內
贊奏就位典儀唱迎神奏樂執事官各詣神位前斟第
一層酒樂止內贊奏四拜百官同典儀唱奠帛行初獻禮

奏樂執事官各捧帛爵獻於神位前讀祝官取祝跪於
皇帝左內贊奏跪典儀唱讀祝讀畢置於案上內贊奏
俯伏興平身百官同樂止典儀唱行亞獻禮奏樂執事官

各詣神位前斟第二層酒樂止典儀唱行終獻禮奏樂
執事官各詣神位前斟第三層酒樂止太常司卿立於

殿東西向唱賜福胙典儀唱飲福受胙光祿司官捧福
胙自神位前由正門左出至皇帝前內贊奏跪奏搢圭
光祿司官以福酒跪進內贊奏飲福酒光祿司官以胙
跪進內贊奏受胙出圭俯伏興平身奏四拜

百官同

典儀

唱徹饌奏樂執事官各於神位前徹饌樂止典儀唱送
神奏樂內贊奏四拜

百官同

典儀唱讀祝官捧祝掌祭官

捧帛饌各詣燎位奏樂內贊奏禮畢一祝文維洪武某
年某月某日皇帝某致祭於太歲之神風雲雷雨之神

嶽鎮海瀆山川月將城隍之神惟神主司民物參贊天
地化機發育有功歷代相承有秋報之禮今農事告成
謹以牲帛醴齊粢盛庶品用申報祭尚享一樂章 迎
神吉日良辰祀典式陳太歲尊神雷雨風雲京畿山川
城隍之神濯濯厥靈昭鑒我心以候以迎來格來歆 奠
帛靈旗泣止有赫其威一念潛通幽明弗違有帛有篚物
薄而微神兮安留尚祈享之 初獻神兮我留有薦必
受享祀之初奠茲醴酒晨光初昇祥微應候何以侑觴

樂陳雅奏 亞獻我祀維何奉茲犧牲爰酌醴齊二觴
再升洋洋如在式燕以寧庶表微衷交於神明 終獻
執事有嚴品物斯祭黍稷非馨式將其意薦茲酒醴成
我常祀神其顧歆永言樂只 徹饌春祈秋報率為我
民我民之生賴於爾神維神佑之康寧是臻祭祀云畢
神其樂歆 送神三獻禮終九成樂作神人以和既燕
且樂雲車風馭靈光昭灼瞻望以思邈彼寥廓 望燎
俎豆既徹禮樂已終神之雲旋倏將焉從以望以燎庶

幾感通時和歲豐惟神之功

永樂中正殿增天壽山一壇陳設同帛用黑色加爵

一 籩各

嘉靖十年更定儀一前期二日太常寺官奏祭祀太常卿同光祿卿奏省牲如常儀諭百官致齋三日一前期一日上親填祝版於文華殿遂告於廟告辭曰孝玄孫嗣皇帝某明日出往神祇壇行秋祭禮詣祖宗列聖帝后神位前恭預告知遣官則否一陳設天神壇雲師一壇雨師一壇風伯一壇雷師一壇俱南向每壇犢一羊一

豕一登一釂二簋簋各二籩豆各十爵三酒盞二十共
設酒尊四帛一篚一祝案一 地祇壇五嶽一壇帛五
五鎮一壇帛五 五山一壇帛五 四海一壇帛四
四瀆一壇俱北向帛四 京畿山川一壇西向帛二牲
五 天下山川一壇東向帛二牲五籩俱同一正祭是
日昧爽上具翼善冠黃袍御奉天門太常卿奏請詣神
祇壇上陞輦鹵簿導從由先農壇東門入至齋宮更衣
弁服詣天神壇典儀唱樂舞生就位執事官各司其事

內贊導上至御拜位典儀唱迎神樂作導上陞壇三上

香訖復位樂止奏四拜

傳贊百官同

典儀唱奠帛行初獻禮

樂作執事者捧帛爵於神位前跪奠訖樂暫止奏跪上

跪

傳贊衆官皆跪

讀祝訖樂復作奏俯伏興平身

傳贊同

樂止行

亞獻禮樂作執事者捧爵跪奠於神位前樂止行終獻

禮樂作

儀同亞獻

樂止太常卿唱答福胙內贊奏跪上飲福

受胙訖俯伏興

傳贊同

典儀唱徹饌樂作樂止唱送神樂

作內贊奏兩拜

傳贊同

樂止典儀唱讀祝官捧祝掌祭官

捧帛饌各詣燎位樂作捧祝帛饌官過御前奏禮畢內
贊對引官復導上至地祇壇御拜位典儀唱瘞毛血迎
神內贊導上陞壇至五嶽香案前三上香

五鎮以下俱大臣上香以

後禮俱同前

禮畢上易服還詣廟參拜致辭曰孝玄孫嗣皇

帝某祭雲雨風雷嶽鎮海瀆等神回還恭詣祖宗列聖
帝后神位前謹用參拜參畢還宮地祇壇上香大臣儀
注典儀唱迎神執事官導引各官由東西級上詣各壇

香案前內贊奏搢圭

齊搢笏

奏上香

齊上香

奏出圭

齊出笏

奏

復位

齊復位

照前序立

餘同前儀

一祝文

天神壇維嘉靖某

年歲次某月某朔某日嗣天子某致祭於雲師之神雨

師之神風伯之神雷師之神惟神職司雲雨興布風雷

贊輔上帝功施生民今農事告成以牲醴庶品菲帛之

儀用修報祀惟神鑒之尚享地祇壇維某年某月某

日嗣天子某致祭於五嶽之神五鎮之神基運山之神

翔聖山之神神烈山之神天壽山之神純德山之神四

海之神四瀆之神京畿天下山川之神惟神鍾靈毓秀

主鎮一方參贊大化功被於民今農事既成以牲帛醴
齊之儀用修報祭神其歆哉尚享一樂章 天神壇迎
神保和之曲吉日良辰祀典式陳景雲甘雨風雷之神
赫赫其靈功著生民參贊元化宣布蒼仁爰茲報祀鑒
斯藻蘋奠帛以後俱仍舊 地祇壇迎神保和之曲
吉日良辰祀典式陳靈嶽方鎮海瀆之神京畿四方山
澤羣直毓靈分隅福我生民薦斯享報鑒我恭寅奠帛
以後俱仍舊

太歲月將

嘉靖八年定一前期十日太常寺請命大臣一員行禮
一前期三日太常寺奏祭祀如常儀一陳設 太歲神
位犢一羊一豕一登一釂二簋簋各二籩豆各十爵三
酒盞三十尊三帛一篚一 兩廡月將共四壇每壇犢
一羊一豕一登一釂一簋簋各二籩豆各十爵三酒盞
三十尊三帛三篚一一正祭典儀唱樂舞生就位執事
官各司其事贊引贊就位典儀唱迎神奏樂樂止贊兩

拜典儀唱奠帛行初獻禮奏樂執事官捧帛爵詣各神

位前奠訖樂暫止贊引贊跪典儀唱讀祝讀訖樂復作

贊俯伏興平身樂止典儀唱行亞獻禮奏樂

儀同初獻惟不獻帛

祝讀樂止典儀唱行終獻禮奏樂

儀同亞獻

樂止掌祭官西向

立唱賜福胙執事官捧福酒跪進於遣官右贊跪搯笏

贊飲福酒訖執事官捧福胙跪進於遣官右贊受胙訖

贊出笏贊俯伏興平身贊兩拜典儀唱徹饌奏樂樂止

典儀唱送神奏樂贊兩拜樂止典儀唱讀祝官捧祝掌

祭官捧帛饌各詣燎位奏樂捧祝帛饌官過遣官前訖贊

禮畢一祝文維嘉靖某年某月某日皇帝遣某官某致祭

於某甲太歲之神四季月將之神

時維孟春聿新歲序惟時歲暮將屆新春

特用遣祭以牲帛庶品之儀神其歆此祭報誠敷佑康吉

尚享一樂章 迎神吉日良辰祀典式陳輔國佑民太

歲尊神四時月將功曹司辰濯濯厥靈昭鑒我心以候

以迎來格來歆 奠帛以後俱與神祇壇同

禮部志稿卷二十六